


盤洲文集

十

麟洲文集卷第十九

外制



錢端禮兵部尚書都督府參贊軍事制

武部所掌五兵文昌甚高八座必望實素諧於輿論則登用可彊於本朝具官其敏識炤微清才露穎渾金璞玉備和氣於四時錯節盤根發新硎於游刃自騫禁密獨步版曹因邊侵之究懷以皇華而諭指宣勞半歲揆策萬全借前箸籌之明於料敵賢長城遠矣賴以折衝茲遣使以紓制向整軍而將備已開督府命將相以視師乃陟夏卿率賓寮而飲畫共講止

應昌元年

王古

戈之武以凝奠抗之勳之服恩榮益晉有忠報

張宗元司農少卿制

國家駐蹕東南宮禁之須百官之奉師兵阜隸之食皆仰給于大農近郡新有水害朕已蠲民田租慮倉庾或不能足用也以爾出自勲闕以材請稱卿寺計臺所居可紀茲用命爾掌九邑之事爾當會具多寡常使有餘則為稱職不獨謹出內而已

韓彥古將作監丞制

朕留意武事凡將帥功臣之世皆欲羅而致之以察其可用爾好學不怠秀于其家而監美官吾所不惜

往思振職母或負丞

向洵提舉淮東常平茶鹽制

山澤之產所以供邦財者不一而鬻海為之最淮浙
閩禹瀉鹵之地不一而淮東為之最使者非其人則
國有遺利爾材健而通老於吏事把麾揭節良有可
觀鹽筴之柄茲以付汝於官吏則有澄清之權於民
又有常平之政往哉無瘳曠厥職

知盱眙軍郭淑直秘閣制

爵祿天下之砥石也有勞必賞能者斯勸爾材智閭
敏遇事風生一障之乘弗憚險易視探虎穴如行坦

皇正洲之九

二

五古

途列職道山旌汝體國

權劍門縣杜秉循資制

王師出塞以食為急爾千里餽餉軍不之興進秩之
榮用茲勞効

趙密落致仕權殿前司職事制

賜安車而就第甫遂高懷護鈎戟以周廬仍尋故步
人既諳於要束朝有賴於誰何具官某氣略沉雄智
謀宏遠藝長弓劍出山西六郡之家學守韜鈴得濟
北一編之法久掌禁門之衛浸高盟府之勲會疆戍
之移屯致巖除之缺帥疇咨在列母身老臣以黃髮

而治兵見赤心之許國武崇武節可壯軍聲噫漢室
置羽林之官蓋仰侔於乾象唐人有靈壽之賜亦復
摠於師干益勵忠規用酬恩遇

龔茂良太常少卿制

奉常居九寺之首繇法從而下亞卿冠乎庶寮秩清
而選甚重况當始郊之年稽古禮文之事豈易屬人
爾學探淵緼溢為文華儒黨所譽素有直聲迺自六
祭寘之諫坡庶幾虛聞骨鯁之論而獲拾遺補闕之
益也引嫌辭位屢挽不留陟之容臺以觀遠器

給事中吳芾轉左朝議大夫制

皇朝卷之二

三

三

寄祿之階二十九等有限年無限負獨議大夫其數
八十搢紳之士官極乎正郎望之而不能至唯侍從
則不拘此法可以超軼而居之具官其直繩聳乎霜
臺惠露洽乎三郡華問環望靡人不知拜上禁途尊
我朝著茲以黃扉之權而兼軍旅之事固不以一秩
為軒輊也有司校考寔應遷品出此言綍為之寵光
忠訓即戴青降一官制

馭軍有律亡命必誅爾逋逃自歸姑從末減尚思後
効戒此薄懲

魏勝轉右武大夫忠州團練使知楚州陳敏

轉成州防禦使知高郵軍制

朕差擇猛士扞城四方邊最有聞豈緩褒典具官某
忠義自奮鷲勇可推典治新邦閱日滋久控制外侮
軍聲甚張招携流逋績効亦著易守淮壘謹吾藩籬
用陟戎團仍超橫列陳敏作用陟兵防書之盟府當思民社之寄
不專軍旅之容內撫疲氓遠固疆圉恩威相濟時乃
之休

鎮江府後軍統制胡明轉武經大夫制

爾將屯遠邊久佐新壘招携控制勞効居多增秩之
榮用勸同列

皇朝卷之二十九

四

王吉

知漣水軍夏後轉武節郎制

爾忠義奮發有志功名一障扞邊備宣勞効是增命
秩以夸轅門

單時祕書丞王東里著作佐郎戴達先莫冲
校書郎制

冊府儲天下之材如楨枏豫章積日察月俟其昂霄
聳壑然後擇而用之爾等學行純淑選在周行或自
簿領而徙清官或仍筆削而佐太史或繇是正而進
校讎併有群居相與言仁義之道而窮未見之書益
尊所聞以涵遠業

吳飛英太學博士制

愛其子擇師教之國家為多士選模範烏可忽也爾頃游膠庠名出同輩推其所得不倦於誨人則有速肖之効矣

蘇峴太常寺主簿制

爾四世祖精於禮學作太常因革書百篇行於世禮官有討論資以折衷而無聚訟之患爾不墜家學近臣稱之往游曲臺思贊其長

揭陽縣令余致和廣德縣令趙善禮循良制

國家除戎器以藏武庫嘗下諸郡作甲爾能勤其官

書功之元

五

王古

先期趣辦爰進一階示信賞也

唐開都官員外郎制

六官之屬二十四司事有劇易而郎位應列宿等耳爾學韜于中入朝久次陟之省戶俾究所長昔薛能李頻嘗為中都郎而官曹增重其思古人以稱推擇知樞密院賀九中贈三代

曾祖屯田員外郎贈太子少保應機贈太子太保制

君子之澤五世聿流積德之光泰階所陳六符斯厚顯親之典茲延登於碩輔復追賚於曾闕具官某探

道有涯懷材弗展傲青雲而吏隱甘白首之郎潛餘
慶所覃後昆益大恩加愍冊已陟東宮之孤寵遠幽
高更增一品之秩尚其真漢歌此休嘉

曾祖母和義郡夫人楊氏贈同安郡夫人平
樂郡夫人侯氏贈文安郡夫人制

百川之水其源深者流必遠昂霄之木其根茂者枝
必盛輔拂股肱之臣享高爵厚祿而有英聲鴻實者
皆其先世垂光委祉之効然也某氏鍾禮郝法宗姻
化之克配吉人慶延後裔副并翟弗載啓大邦庶幾
泉扃知此愍飾

盤洲文元

六

三古

祖朝議大夫贈少保撫辰贈太保制

昔于公治獄多陰德乃高大其閭門令容駟馬高蓋
車謂後世必有興者其子孫踵相躡為三公天之可
以責報如此具官某被服儒術策名鼎科澤加於民
僅躋卿位非此其身施于拜葉有庭政路赫赫巖瞻
寵及九原進外公保營魂不昧尚克享之

祖母嘉國夫人王氏贈蔡國夫人制

朕三聘老臣并登政地宏摹躋葉既尊馨於邦基卹
典祿章必寵光其祖廟某氏勤組紉之事服圖史之
箴溫慈惠和稱于宗黨蕃衍盛大燕及聞孫位既峻

於台階恩益崇於王母小君惟舊大國始荒申加刻
蜜之封用展含飴之報

父承議郎贈太子太傅坦贈少傅制

人子之事其親常懷三釜之養大夫之祭於廟遂伸
五鼎之儀惟時儒先復陟台輔孰慰循陔之孝爰推
告第之恩具官某種學績文道潛乎聖域砥節礪行
名振乎俊躔歛六翮以卑飛儕百僚而漫仕是生英
傑胥會明良運機籌於帷幄之中贊政化於陶鈞之
上積善必得其報教忠厥有自來幽安其光登春宮
之傳職愍章相繼榮左棘之新名尚其如存歆此無
斃

卷之二十一

一

三十

母太原郡夫人王氏贈賀國夫人制

朕考兒齒黃髮之章見奉親之燕喜誦凱風寒泉之
什知鞠子之劬勞常優錫類之恩用達揚名之孝矧
吾樞極永愴杯圈寬其霜露之思寵以山河之象某
氏性專靜嫻德稟柔嘉婉厥名儒采藻謹宗枋之薦
誨其哲嗣斷機擇師友之賢暨再應於台符徒有懷
於甘旨從夫之氏有國在南乃開紫誥之封尚作黃
壚之飾光靈不替休寵是歆

妻永嘉郡夫人鄧氏贈和政郡夫人制

自古士大夫以詩書起家踐于永弼非獨祖考壽後之祉也蓋亦有靈內之助焉某氏胄出名門輔佐君子柔德淑範齊芳管彤饋祀有年不克偕老已正魚軒之貴具膺鸞誥之榮改昨大邦式賁泉壤

范榮忠州防禦使制

朕記人之功惟恐事同而賞異師還遠徼可無飲至之恩平具官某登鋒履刃衆推拳勇誓肩扣楫有志古人比撓舟師往臨海道扞禦外侮威聲甚張歸休淮濱未忘武備班勞出綽用進州防益思奮患以荅殊獎

王選高州刺史制

胸山之役累月交兵猛士登陴乘機戰野摧陷強敵御清重圍守將之功爾居其最茲出褒典寵以州旗益思竭忠用荅恩獎

郭剛達州刺史制

日者狂虜闖邊薄我瓜渚爾輸忠賈勇誓掃妖氛陷陣卻敵厥功茂焉遙領州符茲為醴賞益圖衛社以保榮名

徽猷閣待制周執羔封贈

父朝奉大夫致仕庭俟贈右朝請大夫制

朕嗣服之始慶覃中外禁近之臣時方端憂則俟其御祥琴而推禰廟之澤所以教天下之孝也具官某盛德著于州閭美名馳于仕路一經教子入從出藩黃髮厖眉享其榮養新阡屬耳祿典鼎來追命文階用光廟祀

母宜人吳氏贈令人制

婦人從夫與子而貴夫為大夫子為卿夫存則封邑不可踰其爵今亡矣故視其子無嫌也某氏徽柔莊靖夙著壺彝三徙其隣克成賢嗣降年不永板輿養闕宜家美號昔繫其夫聖善令名茲因其子推此協華之澤慰夫念母之心

蘇州志

九

王吉

繼母宜人劉氏贈令人制

朕重踐阼之澤于四海靡間存沒況從臣之親乎某氏出自名族嬪于儒門馴德淑行六姻所稱有子通顯伸其孝思重泉有知歆此祿典

劉大辯太府寺主簿制

朕比下省官之令雖中都亦去冗員故九卿之屬眾簿不並置惟司府兩丞亦得以簿代之蓋職掌文書之繁俟人而後舉也爾以儒術決科好談古今治亂事勾稽之任姑試爾才益據所長以若予采

度支員外郎吳巖陞郎中制

在廷百官惟尚書郎以資歷淺深而爲之別若身登
省戶則疇昔歲月雖分陰不棄也爾少有雋譽及於
剴繁司度劇曹甫觀所蘊爰積官簿當應星文服此
寵榮益思自勉

商江等贈官制

爾等奮發忠勇氣志履壇力戰喪元名則不朽寵之
命秩式表重泉

賀允中資政殿大學士致仕制

出而謀國老成厥有典刑退則潔身君子所其明哲

惟時碩輔復返故山乃發濩章以光行李具管某志
驕富貴行中表儀強識博聞學周公仲尼之道同工
異曲有相如楊雄之風蚤踐禁涂進聯政路結眷知
於 太上播膏澤於域中凡造膝之所陳或嬰鱗而
不避朕有懷耆德迎枚乘以蒲輪以壯本朝坐子房
於籌幄淵然素縕卓爾遠猶所賴股肱之良豈拘筋
力爲禮贖覽封章之相繼納祿賜而欲歸念踰七望八
之年愍勞以事圖咸五登三之治重惜其行勉遂初
心用潔舊物特欸清閒之燕式全體貌之恩噫終始
三休不改赤松之樂古今一揆莫難黃髮之留尚期

存闕之忠，至廢憂時之論，益顯頤養永介壽臧。

李進右武大夫制

瓜渚之役，妖氛甚張，儻非梟俊之臣，孰建盪平之績？具官某，精忠自誓，勳勇不群，探甲執兵，蓋將死敵，塞旗斬將，有以安邊，旣掃攬擒，遂全壁壘，且陟橫階之峻，用增尺籍之光，益務捐軀以酬恩渥。

吳芾吏部侍郎制

中臺六職，小宰之列，甚高，選部三銓，右班之事，最劇。欲揀放紛，濬滯之失，須得嚴勁，詳明之人，克允僉期。時惟邦傑，具官某，學足以適先王之正，識足以燭天下之微，頃獨步於臺端，茲再儀於禁密，批敕如風，霜之舊纜，見一竄執政，有瓜葛之嫌，貌陳三至，方賴回天之助，勉從易地之除，人振紀綱，盡資藻鏡，革此舞文之弊，副吾立武之心，益崇令名，以對殊遇。

陳俊卿知泉州制

閩粵之區，泉南其大，儻非慈惠忠信之長，曷繼中和宣布之詩，茲得其人，無媿于古，具官某，器範夷雅，議論通明，蚤登鼎科，休有華問，振紀綱於憲府，妙言語於綸闈，頃畀是邦，以疾為解，顧左符之以闕，申前命而復行，既里社之相鄰，宜民情之素習，當勵惟良之

政慰其來暮之恩

王槐孫趙壬楊友循資制

西師出塞妻奏膚公爾奔走供軍前後無闕班勞進
秩服此寵休

呂擢直徽猷閣知建康府制

長江古為天塹建業今作陪都非智略輻湊有兼人
之長者不足以稱方伯連率之職爾才具縱橫馳聲
州縣盤根錯節迎刃有餘召對便朝信其可用乃躋
延閣超異麟符夫高牙大纛掌我北門之管其望甚
重地石水陸舟車之衝一都會也其事甚繁內有熊
羆七萃之所屯外有扞防疆場之所係其責甚大惟
剛柔相濟施置協中則可以無過舉而有能名勉之
哉勿負予飾擢之意

保義郎閣拔降一官制

大冶至行在所纔二千里爾部督綱舟私輒貿易所
過逐利踰年始來姑鑄一官服我輕典

敷文閣直學士王大寶轉一官致仕制

閱勞以事朝廷施優老之恩歸紮其身君子具遺榮
之美式遂雅志用增令名具官其養氣至剛逢原有
要瑞于鱷水出謂間生策之龍墀士皆斂避又遭迴

於外服晚馳馮於禁途得難進易退之風鑒倒行逆
施之迹夫引年知止所貴卑近臣稱疾勾休曷虞乎
清議茲披來憤盡出至誠俾涉文階以娛里社光爾
桑榆之景視茲綸綍之言

李益謙戶部員外郎制

國家養兵之費浸廣取財之路難增欲不益賦而用
度足故地官甚難其選雖大小司徒心計於其上而
爲之屬者可不擇哉爾學有淵源行中規矩久于外
官更事甚習便坐賜對詳整可采郎官上應列宿躡
次而進當思有以助其長則子女嘉

盤洲文集卷第十九



盤洲文集卷第二十

外制



徐嘉知紹興府制

千里之內曰畿去天則通十國為連有帥作牧非輕
弄印踰時出綸示寵具官其襟懷爽粹問學精深拜
登表著之班備見論思之益強胡犯塞仗使節而敢
前大郡承流惠民編而不擾顧稽山之巨屏拱狩岳
之行都事簡而有常俗醇而易治為吾填撫賴汝慈
祥當蹈耳鮮之言靡須東溘之政任哉夙夜對以春
秋

盤洲

目五

尹穡右諫議大夫制

予違汝弼古存五諫之名君明臣良斯振七人之職
長茲言路尊我公朝具官其操絮冰霜識伴著蔡蚤
陟小坡之列浸高橫榻之班駘上青蒲獲補闕拾遺
之益人中屈軼擅觸邪指按之聲以仁義而竭誠不
沽激以干譽從容接畫慷慨憂時說必可行事皆有
據積此臺端之望峻其庭諍之權人主亦有逆鱗孰
云難犯忠臣謂之骨髄無戒太剛益勉清埃以伸正
道

晁公武侍御史制

御史府風霜肅然遠近望而畏之南床最為雄劇非
脩絜方聞之士寧刊印而不予也爾貫穿古今通達
治體又勞于外事無不歷入朝三接蒲葦九遷諫紙
臺評飽聞輒論憂時謀國具見公忠禁路乘驄孰曰
不可善善惡惡益期盡言副我虛懷以休廣譽

參知政事王公望贈三代

曾祖遷太子

士有積善於... 於鄉而... 爵祿不虛於生前
則天之報施... 孫子具... 清慶美行有于古
人重義輕... 訟州閭... 稱之我宋造
邦穀城以進士... 自其孫... 三葉贊我萬機
流澤薰後信可... 用貴重泉靈爽未淪
服此嘉數

曾祖母向氏始與郡夫人邢氏永嘉郡夫人

制

國家之制官登朝列... 寵及其父母一二股肱之臣
乃得追榮三世蓋德厚者流光德薄者流卑也某氏
歸于儒門允蹈女憲令儀令德詒燕聞孫陟乎泰階
增賁廟祀彫軒象服裂以名邦音徽不遐知有懸冊

祖右朝奉郎文太子少傅制

臧孫有後於魯管氏世祀於齊考于古而驗于今豐
其德則腴其報具官某抱道不展積行在躬居鄉高
月旦之評誨子有贏金之訓惟今碩輔乃爾孫枝爰
推飾壤之恩以尉顯親之志亞于儲傳篆此篆章明
靈如存益胙其慶

祖母安人黃氏昌元郡夫人制

朕延登邦傑進穆政塗式資東濟之材以成調一之
効爰申閔典用侈大門某氏號魁疑姿溫良賦德克
謹蘋蘩之薦率循珩珮之教于始登於儒科有孫
遂參于鈞軸積善之積無窮茲疏象掃之恩以
示松區之寵光靈不昧尚克享之

父左朝散郎少師制

天下之爲人親者必欲其後致君澤民以踐其詩禮
之訓天下之爲人子者必欲其身問安視膳以盡其
菽水之驩仕而至于三階極爲臣之榮可以伸重茵
列鼎之養矣而白駒過隙風木興悲顧瞻在堂親不
相待非國家優其顯報之澤澤則亦何以尉孝子之心
乎具官某學耕文獲左右逢原破大邑之天荒拾儒
科如地芥恬於勢利袖手下僚有子卓然材出儕輩
贊我爲政倚之中興副其追遠之恩申以閔祔之冊

宮師之亞班品甚崇九原有知歆此無斁

母碩人張氏清河郡夫人制

朕卧薪嘗膽思報胡庭謀皆予同時有人傑登之政
地資以興邦宜申告第之恩以顯擇鄰之訓某氏母
道慈篤閨風勸重儆德之旨情騰芬姻戚惟爾哲嗣作
我大臣嗟黃髮之不遐使馬鍾之弗泊祿之翟第賁
及泉局遺懿猶生邱章身龍

妻今人張氏或安郡夫人制

詩首二南鵲巢詠焉焉之博禮公六服鞠衣參榆翟
之華惟公侯有陳國之旨故湯沐以從夫為貴某氏

儀度嫺雅性資惠明性資惠明儀宗有夙夜相成之益相
其時祀竭春秋匪解之執蓋則其章嬪風可法既宜
家而偕老見得路以躋榮茲疏大郡之封以正小君
之位其祗茂渥益廣淑聲

考功郎中沈度直祕閣知平江府制

吳門价藩密接行闕異時持橐之臣乞左符而不可
得爾以名字典郡威而不猛刁遊肯繁庭無通事題
輿是邦厥有遺愛輟自省戶寓直道山用增森戟之
重凡惠民敢吏聽訟理財之事不待丁寧之訓也惟
枕江連海戒於外虞監牧之政營屯之寄所以寬我

具食者爾尚勉之

何熙志御史臺檢法官制

朕寄耳目于御史府疇咨時望以長風憲又使其舉所知備寮采所以參論議廣聰明公是非也爾博物洽聞蒞官得譽御史以爾為蜀士之秀朕信之不疑俾爾接武霜臺以俟簡拔

沈清臣太學錄

賢士之闕教亦有掌與一亦嘗采豈心服尔通經術嘗歷校官五吾學職振一可

起居舍人李商隱直學觀制

聖

士大夫一中都則一是失不忘去朕甚病之爾學問該洽一於文辭一備用一行一有華問立螭簪筆其地甚要典朕一禮一日為真雅意一丘銳然勇退瀛州寓直休以蕙詞一業一佳妙東

陳大年循文林制

戎事既興邦有賞典爾能以輯濯助我邊防增秩之榮用以勸眾

李喆贈奉議郎制

爾齋恨泉下嘗有卹章鄉邑陷蕃不復告第王師闢土有子自言復出絲綸尚其歌服

錢宗俊承信郎制

富者嗇財一豪不拔爾能捐私積佐急公上登名右
列為爾之榮

歸正官張彥循儒林郎制

爾以淪穢鄉心在王室糾合義士分裂偽官幡然來
歸宜有褒賞益思策勵以享恩休

虞允文端川致學士同簽書樞密院事制

文武之憲萬邦政經一統二儀帷幄之籌千里象實
並於三階明之其所其屬夙夜以之基命我有峻德
諸于僉言且官某揖昂奮奮之姿抱歛號淬鋒之

聖

器前言行行發言議論之英大禹高文兼得典謨之

體昨當牛渚之良獨勵文舟之師一掃妖氛微管仲

民其左社再開首行用李勣賢於長城既邊瑣之周

知殆戎弼之暗合之烽報警清蹕戒嚴惟本兵式賴

於傑材則料敵無此之元畫俾贊有地共寧慶基意

齊有晏嬰遂獲折衝之功漢得汲黯可寢發蒙之謀

益務交修勿令專美

錢端禮端明殿學士左通議大夫簽書樞密

院事兼提舉德壽宮制

天子守在四夷所貴禦戎之策公輔間于兩社均為

執政之臣厥任不輕非賢罔入具官某富淵源之學
有夷雅之風獻納論思久掌民曹之計發縱指示嘗
頡莫府之權諭軍致身藻之和料敵若著龜之智言
皆可復忠在不欺朕德媿協華志期繼伐問安視膳
欲伸天下之歡分職設官當建宮中之使若稽祖武
歷選臣鄰乃疇經武之英再贊本兵之重庶仰司於
茲禁仍外折於遐衝揚以賢科循夫故事噫刑會稽
之耻必以范蠡為師寤南之謀是資汲黯之力益
思長轡同穆丕機用剛

斯廣無窮之聞

魏勝贈節度使

卷之三

曰五

執干戈而衛社有心
死綏之志特峻齊
渙茲愍冊具官某
之名有橫挑強胡
功易子析散能堅
符會敵國之窮兵
衝之威廣野交鋒
武帳之星沉嘉爾
食之榮羽林孤兒
休

張全贈拱衛大夫防禦使杜斌贈拱衛大夫
團練使李庠贈左武大夫團練使制

羽林拔距夙馳勇鷲之聲馬革裹尸共惜奇厖之逝
爰推卹典用尉營魂具官某材氣沉雄機謀超邁結
髮殆更於百戰治軍固合於六弦名旣冠於棘門勲
浸書於盟府欲執俘而繫鼓缶盡敵以死綏嘉爾孤
忠至之屢歎斷匈奴之臂壯圖歸先彭之元空
懷偉烈用崇橫品仍列遙防并作送團尚其英靈知
此愍飾

知漳州丁曉真被閣修撰致仕制

甲五

年至遂老乃一夫之志夜行不休亦古人所戒厥惟
持橐之彥豈復拉朽之拘爾抱器甚高策名茲久偃
儒紳而蹈景象建以含和再入京華遂騫禁密
共爾位掌封馬之聲若予工備罄論思之益一
麾去國五然百氏踵知止之高風上遺榮之需牘界
以論譔之職諧其燕閒之懷家有安車斯示子孫之
寵門施行馬不妨故舊之游益荷美名以綏壽嘏

王逯右正言制

天子有爭臣所以使造膝盡規納君於無過之地中
外大小之臣有不飭其躬不稱其職者又得而糾之

爾篤學有立論議據經守正朕得爾於占奏之間裁
冠霜臺名出人右茲用真爾于諫省爾其公是公非
不吐剛茹柔以副朕耳目之寄

程叔達監察御史制

憲府有六察不獨檢扼吏姦所以助臺中之評伸天
下之公也爾秉心端衷慎學醇正題輿天府立政有
聲勾稽栢寺清論所與之冠豸茲號要津益思匪
躬以俟甄拔

曾中書省提點刑獄制

朕駐蹕吳中... 民跬步可至帝城其銜寬
負枉者皆能訴于臺者大則搥鼓投匭不難也部使
者材稱其職則民欣然得其直矣爾學有元本紹其
家聲甚秀而文達於從政曲臺考禮正藉洽聞祥刑
擇官界以使節非獨寬我夏民之心亦以遂爾奉親
之志

王彥落龍神衛四廂都指揮使制

天子執賞罰之柄不可黨偏士卒... 怯之心在乎
激勵儻逡巡而不進與逗撓者何殊... 論既諠薄懲
難廢具官某蚤推沉鷲遠有風聲由秦蜀萬里而來
顯江淮一面之寄所期李勣為我長城寧使齊人笑

夫百步方尅日俟濠梁之捷乃望風捨昭關而歸辟
易如斯掃清何賴庸按出師之律少伸退舍之誅屈
此憲章鑄其刑部噫探姑繒之壁當圖盡敵之功復
鴈門之跡斯雪非夫之恥永懷寬典勿負異知

劉寶落節度使制

將士之勇怯視賞罰於朝廷人主有勸懲采是非於
公論衆之所咎朕不可私具官其重謂沉雄起之閑
廢專揚楚一面之守豈貔虎六師之權所期固守於
金湯可以坐清於氣豈置效鋒之冗塞以闢躬而出
淮當守將慶戰之未乃轉門陰拒而不動即以會

世宗三十一

十

田孟

兵爲解輒爾委城而歸分閫如斯防邊焉用庸按台
軍之法少伸退舍之誅用奪齋旌律寬禁罔噫狃蒲
騷之役彼方逞於凶殘復鴈門之跡汝尚追於賢範
能圖盡敵之報可雪非夫之差勿負深知以崇永譽

惠迪國子博士制

博士秦官也非資稟淑茂道術通明者不足以居之
尔温故知新可以爲師矣晨入成均則招諸生講以
正心誠意之學豈止章句文藝云乎哉

吳芾徽猷閣直學士知臨安府制

京師蓋浩穰之地輦輶以彈壓爲先威不振則盜賊

公行政之修則紀綱具舉必濟寬之有術斯救弊而無偏我得賢能使之尹正具官其材見實用學非空言頃違表著之班疊佩蕃宣之寄發擿隱伏雖銖兩之蕪皆知撫字困窮無尺寸之膚不愛復入文部一清武銓會天府之闕人稽輿言而出命顧覆車之當戒期奠枕而相安前有趙而後三王遺風可想昔無襦而今五絳惠露是宜用副選掄益思幹治

薛良朋直顯謨閣浙西轉運副使制

宇內漕輓皆置使者惟畿部治于帝所有劇繁之事倉猝之頃故選材非它道比今水潦之後民艱於食

皇五州卷之二十

二

田五

倉庾亦不豐其儲使者得人則可以寬中具之慮以兩學遂識明長於吏道剖符持節有赫赫名乃輟之省闈任以計臺又寵之以謨訓之直雖爾以田廬姻亞爲言吾不以小嫌而妨實用當體茲意勉旃毋忽

朱夏卿權戶部侍郎制

四鄙宿兵大農之費益耗六官服采版部之任最難惟得其人而理財則不益賦而足用疇咨在列選擢匪輕具官其稟資旣良信道甚篤緣飾兼平儒雅肯綮發乎新研入爲司稼之卿嘗治供軍之政輸將二浙勞動累年使朝每納其面陳輿論咸稱其心計惟

乃顯考相我慈闈取日虞淵獨高忠烈紬書金匱具
載動履有賢子之克家見流風之燾後當茲多壘所
眞寶材超地官筆橐之班摠天下貨泉之柄勉圖振
職休于前人

王稽中考功負外郎制

司績大夫掌仕者增秩之政吏或挾拾細故逞其私
欲梗之毫釐失以千里以爾挺介特之操有剛嚴之
聲乃自憲臺徙之郎位使在選者無沮抑滯留之歎
則與明目張膽時無以異也

趙禹閤門祗候制

新置門之制

三

田五

上閤之職右列所榮莫府以爾馭軍有律宜用旌賞
勉思報國無媿恩章

魏郊武功大夫忠州刺史制

漢人取從軍死事之子孫養於羽林教以五兵號曰
羽林孤兒有征伐之役則選用之汝父北首死敵忠
勇無雙汝年雖未冠朕不惜高秩厚祿使汝襲乃父
之品大戎者不戴天之讎也其思所以報之

唐堯封殿中侍御史制

天下之是非不公則有諫官御史寄一人之耳目以
筆端挽黜陟之柄若聽之不聰視之不明則白黑辨

分而玉石似焚矣以爾學為醇儒行為壯士論議正
直無所黨偏主盟賢關士不踰矩宜執霜簡按武赤
墀使儉壬斂衽善良伸氣則朕有知人之哲而汝無
負於風聞顧不休哉

盤洲文集卷第二十



